

四庫全書

史部

欽定四庫全書

史部

御批歷代通鑑輯覽卷七十

詳校官侍講_臣王燕緒

編修_臣裴謙覆勘

總校官舉人_臣章維桓

校對官中書_臣江澣

謄錄監生_臣申慤

欽定四庫全書

御批歷代通鑑輯覽卷七十

五季

己漢乾祐二年此春二月漢以靜州本靖邊軍五代時改置故城在今綏

州縣隸定難軍

漢昭以靜州隸定難軍李冀殷上表謝冀殷以中原

多故甫輕傲之志漢本故以恩澤羈縻之李氏世據銀夏州以

時繼述之教

遼遷故晉主重貴于建州

本唐昌黎縣遼置州後遷治永霸縣故城在今錦州府錦縣

晉李太后詣遼主請依漢人城寨之側給田耕桑以自贍遼主許之并晉主遷于建州未至安太妃卒于路遣令焚骨南向賜之既至建州得田五十餘頃令徙者耕以給食頃之遼主德光之子舒嚕遣騎取晉主寵姬趙氏鼎氏而去

夏四月太白晝見

民有仰視之者為邏卒所獲史弘肇腰斬之

五月趙思綰遣使請降于漢漢郭從義尋誘殺人

初思綰少時求為左騎衛大將軍李肅

肅建人前為
晉昌節度副

使僕肅不納曰是人目亂而語誕他日必為叛臣肅

妻張氏

全義之女

曰君今拒之後且為患乃以金帛遺之

及思綰據長安肅居城中思綰數就見之拜伏如故

禮肅曰是子亟來且污我欲自殺張氏曰曷若勸之

歸國會長安城中食盡

思綰好食人肝又好以酒吞
人膽及城中食盡取婦女幼

稚為軍糧每捕軍輒屠
數百人計窮不知所出

思綰向肅問自全之策肅乃

與判官程讓能說思綰曰公本與國家無嫌但懼罪耳今若翻然改圖自可不失富貴思綰從之遣使請降于漢漢以為華州留後已而思綰遷延收斂財賄三改行期郭從義疑之密白郭威召思綰酌別因執之及其部曲三百人皆斬于市

六月癸酉朔日食

秋七月漢郭威克河中李守貞自殺

先是守貞出兵攻長圍郭威擊敗之擒其將魏延朗

漢時以曉渠獄
解為善處家人
骨肉因而曉法
庇人者輒引之
為口實爾時朝
臣交通藩鎮固
屬弄常伎倆至
詞意已涉悖逆
而竟甘心置之
不問以為一切
保全奸回之徒
誰復知所懲創

王繼勳以衆降威乘其離散督諸軍百道攻之及是

克其外郭守貞與妻子自焚威入城獲其子崇玉及

所署將相國師總倫等送大梁磔于市

威閔守貞文書得朝臣藩

鎮交通書詞意悖逆欲奏之秘書郎王溥諫曰魑魅
乘夜爭出見日自消願一切焚之以安反仄威從之

王溥字齊物并州祁人

八月漢郭威以白文珂為西京留守

西京留守王守恩性貪鄙專事聚斂

喪車非輸錢不得出城下至行

刑行乞之人不免課率或縱麾下令盜人財有富室
娶婦守恩與俳優數人往為賀客得銀數錠而返

者此非魅魅自
消乃日中見斗
月然彼時事勢
亦無足責備矣

行廁行除廁郭威自河中還過洛守恩肩輿出迎威
涸之賤人

怒以為慢已不見即以頭子

即堂帖

命白文珂代守恩

朝廷不之問

守恩歸至大梁廣為貢獻
厚賂權貴亦竟不獲罪

楚馬希萼攻潭州不克

希萼調丁壯作戰艦將攻潭州馬希廣聞之曰朗州
吾兄也不可與爭當以國讓之而已劉彥瑫固爭以
為不可乃以王贊部署戰棹大破其兵追希萼將及
之希廣遣使召之曰勿傷吾兄贊引兵還希萼遁去

希芻之舉兵也其妻范氏泣曰兄弟相攻勝負皆為
人笑不聽及敗范氏泣曰禍將至矣余不忍見也赴
井而死希芻弟希瞻為靜江節度使以希芻希
廣交戰屢遣使陳止不從知終覆族疽發背死

九月漢加郭威侍中威請加恩將相藩鎮從之

威至大梁入見勞賜甚厚辭曰臣將兵在外凡鎮安

京師供億兵食皆諸大臣居中者之力也臣安敢獨

膺此賜請徧賞之乃徧賜宰相

實負固蘇達
吉蘇禹珪

樞密

楊邵

宣徽

王峻吳
度裕

三司

王章

侍衛

史弘

九人

與威

如一如

加

威兼侍中史弘肇中書令實負固司徒蘇逢吉司空

蘇禹珪楊邠僕射諸大臣議以執政既薄加恩恐藩

鎮缺望亦徧加恩有差

議者以郭威不專有其功推以分人信為美矣而國家爵

位以一人而專及天下不亦濫乎

冬十月吳越募民墾田

吳越王俶募民能墾荒田者勿收其稅由是境內無

棄田或請糾民遺丁以增賦俶仗之國門國人皆悅

十二月漢趙暉攻鳳翔王景崇自殺

趙暉急攻鳳翔周瓌謂王景崇曰蒲雍已平蜀兒不

吳越當五季時
安有閒田第以
日募兵革所在
多軍宅汙萊可
務廣田丁不增
賦役雖僅偏隅
休息之計然錢

此在十國中較
為可觀如飯尤
足強人意固不
得以連類而並
議之矣

足恃不如降也景崇曰善吾更思之後數日外攻轉

急景崇自焚死諸將乃降

三叛既平漢主浸驕縱時與飛龍使後匡贊茶酒使

郭允明押幢為度辭醜語太后屢戒之太常卿張昭上言宜親近儒臣講習經訓皆不聽後姓匡贊顯

印人郭允明太原人度辭隱語也張昭即昭遠避漢祖諱改焉

庚漢乾祐三年是歲春正月漢遣使收瘞河中鳳翔遺

骸

時有僧已聚二十萬矣

漢汝州防禦使劉審交卒

長民者果能公
庶慈愛原不在
日議除徭減賦
始稱仁政乃馮
道無識既云審
交之政無以喻
人又曰衆人不
為而劉君獨為
之其言牙痛故
不足論正恐巧
宦徇名者不能
核之以實政則
乞葬立祠徒為
後世保留去思
之鼻祖耳

汝州吏民詣闕上書以審交有仁政乞留葬汝州得

奉事其邱壟許之州人為立祠歲時享之

馮道曰吾嘗為劉君

僚佐觀其為政無以喻人非能減其租賦除其徭役也但推公庶慈愛之心以行之耳此亦衆人所能為但衆人不為而劉君獨為之故汝人愛之如此使天下二千石皆效其所為何患得民不如劉君哉

夏四月漢以郭威為鄴都留守樞密使如故

漢人以遼將南侵議以郭威鎮鄴都使督諸將備之
史弘肇欲威仍領樞密使蘇逢吉以為故事無之弘
肇曰領樞密使則可以便宜從事諸軍畏服號令行

宰相今僕會飲
沈湎已乖政體
而使氣權如武
臣矜鎗劍傲長
文士胡毛雖薄
技甚至醜語詬
謗鋒刃幾加儀
檢蕩然矣隱帝
不能詰治復令
釋和於杯酒之

矣漢主從之仍詔河北甲兵錢糧但見郭威文書立

皆稟應弘肇怨逢吉異議逢吉曰以內制外順也今

反以外制內其可乎自是將相始有隙

既而朝貴會飲弘肇舉大

觴屬威屬聲曰昨日廷議一何異同今日為弟飲之

又厲聲曰安定國家在長鎗大劍安用毛雖王章曰

無毛雖財賦何從可出毛雖蓋言筆也他日王章復

置酒酒酣為手勢令弘肇不能為客省使問晉卿在

坐次屢教之逢吉戲曰坐有姓閻人何愛罰爵弘肇

欽定四庫全書

御批歷代通鑑輯覽

六

間記綱後習若
此要得不亡

漢以郭崇為貴州刺史

貴州隋置今廣西潯州府貴縣
是五代時地屬南漢郭崇以天

雄牙將遂
領刺史

崇本姓柴父守禮

邢州龍
岡人

郭威之妻兄也威未有子

時養以為子

崇即周世
宗始見此

五月漢以折德辰

從阮
之子

為府州團練使

時從阮舉族入朝故有是命

郭威赴鄴

威辭行言于漢主曰太后從先帝久多歷天下事陛

下富于春秋有事宜稟其教而行之親近忠直放遠
讒邪善惡之間所宜明審蘇逢吉楊邠史弘肇皆先
帝舊臣願陛下推心任之至于疆場之事臣願竭愚
漢王斂容謝之

咸至鄆都以河北困弊戒邊將謹守疆場嚴飭守備如違人侵掠則堅壁

清野以待之

閏月漢大風

漢宮中數有怪大風發屋拔木吹鄭門

大梁城西面南來第一門

也扉起十餘步而落漢主召司天監趙延乂問以禳

祈之術對曰臣之職在天文時日禳祈非所習也然王者欲弭災異莫如修德漢主曰何謂修德對曰請讀貞觀政要而法之

六月河決鄭州

秋八月故晉太后李氏卒于遼

后病無醫藥惟與晉主仰天號泣戰手罵杜重威李守貞曰吾死不置汝遂卒

後周顯德中有自遼來者云晉主及馮后尚無恙其

從者亡歸及物故則過半矣

九月馬希萼遣使乞師于唐唐遣兵助之

希萼先奉表于漢請別置進奏務于京師漢主不許亦賜楚王希廣詔勸以敦睦希萼以漢廷意佑希廣

怒遣使稱藩于唐乞師攻楚唐命楚州刺史何敬洙

將兵往助希萼

先是希萼誘溪洞諸蠻共攻益陽楚將陳璠等敗死潭人震恐既而劉彥

瑫言于希廣以兵萬人入朗州境父老爭以牛酒犒軍艦遇則運竹木以斷其後希萼遣兵逆戰彥瑫乘風縱火以焚其艦頃之風回自焚還走則江路已斷戰溺死者數千人希廣聞之涕泣不知所為遣其屬孟駢說希萼曰公忘父兄之讎北面事唐何異表譚求救于曹公邪希萼將斬之駢曰駢若愛死安肯此

來駢之言非私于渾人實為公謀也乃釋之使還報
曰大義絕矣非地下不相見也悉發境內之兵趣長
沙

冬十一月甲子朔日食

漢主承祐殺其樞密使楊邠侍衛指揮使史弘肇三司
使王章遣使殺郭威不克威舉兵反遂弑其主承祐

漢主自即位以來楊邠總機政郭威主征伐史弘肇
典宿衛王章掌財賦邠頗公忠門無私謁雖不邠四
方饋遺然有餘輒獻之弘肇督察京城道不拾遺章

向之徐毛難者
非王章乎此又
謂之不喜文臣
甚矣記載家之
鮮實也

捃摭遺利供饋不乏國家粗安然章吝于出納聚斂

刻急

舊制田稅每斛更輸二升謂之雀鼠耗章始令更輸二斗謂之省耗舊錢出入皆以八十為陌

章始令入者八十出者七十七謂之省陌犯墮器酒麴之禁者錮錐酒滴皆死由是百姓愁

怨章尤不喜文臣嘗曰此輩授之握算不知縱橫何

益于用俸祿皆以不堪資軍者高其估而給之漢主

左右嬖倖浸用事太后親戚亦干朝政邠等屢裁抑

之太后弟武德使李業求宣徽使不得內容省使閤

晉卿次當為宣徽使亦久不補并州文進人後匡贊

郭允明皆有寵而久不遷官劉銖

陝州人

罷歸

銖為前平盧節

度使以貪虐徵還

久未除官共怨執政漢主除喪聽樂賜伶

人錦袍玉帶弘肇怒曰士卒守邊苦戰猶未有以賜

之汝曹何功而得此皆奪之漢主年益壯厭為大臣

所制邠弘肇嘗議事于前曰陛下但禁聲有臣等在

漢主積不能平左右因譖之曰邠等專恣終當為亂

蘇逢吉與弘肇有隙屢以言激業等漢主遂與業文

進匡贊允明謀誅邠等入白太后太后曰茲事何可

德帝信左右讒謂一日而誅數大臣遂成趙村之禍其失用不待言然楊邠史

弘肇專擅自恣
目無君王王章
聚斂刺虐民怨
日滋各有取禍
之道乃尹起草
筆泥于綱目書
法專歸過于隱
帝并郭威之弑
逆亦折衷而曲
貸之具昧於大
義矣

輕發更宜與宰相議之業曰先帝嘗言朝廷大事不
可謀及書生懦怯誤人太后不可漢主忿曰國家之
事非閨門所知拂衣而出業等以告閭晉卿晉卿恐
事不成詣弘肇第欲告之弘肇辭不見與郃章入朝
殿中甲士出而殺之文進亟召宰相朝臣諸軍將校
漢主親諭之分遣使收捕郃等親黨僕從盡殺之遣
供奉官孟業齎密詔令鎮寧李洪義李太殺弘肇黨
步軍指揮使王殷大名人時將又令行營指揮使郭

兵屯澶州

崇威曹威

真定人

殺郭威及監軍王峻又急詔徵高行

周苻彥鄉郭從義慕容彥超李穀入朝以蘇逢吉權

知樞密院事劉錡權知開封府李洪建

洪義兄

權判侍

衛司事

逢吉雖惡弘肇而不預李業等謀聞變驚愕私謂人曰事太恩惠主上儻以一言見問不

至于此業等命劉錡誅郭威王峻之家錡極其慘毒嬰孺無免者命李洪建誅王殷之家洪建但使人守視仍飲孟業至澶州洪義不敢發殷囚業以詔示郭

食之

威威召郭崇威曹威及諸將告以邵等冤死及有密

詔之狀且曰吾與諸公披荊棘從先帝取天下受託

孤之任竭力以衛國家今諸公已死吾何心獨生君
輩當奉行詔書取吾首以報天子庶不相累崇威等
皆泣曰天子幼冲此必左右羣小所為若使此輩得
志國家豈得安乎願從公入朝自訴蕩滌鼠輩以清

朝廷翰林天文趙修已

後儀人善術數初為李守貞
客守貞欲反修已為言時令

不可勿妄動不聽及守貞敗微
為翰林天文時從郭威在鄴

曰公徒死何益不若

順衆心擁兵而南此天啟也威乃留其養子榮鎮鄴
都命崇威前驅自將大軍繼之慕容彦超方食得詔

舍已筋入朝漢主悉以軍事委之郭威至澶州李洪義納之王殷亦以兵從遂趣滑州漢主聞郭威至河上悔懼私謂竇貞固曰屬者亦太草草李業等請傾府庫以賜諸軍乃賜禁軍人二十緡下軍半之將士在北者給其家仍使通家信以誘之威至封邱人情恟懼太后泣曰不用李濤言宜其亡也漢主欲自出勞軍太后止之不從時扈從軍甚盛至暮不戰而還來日欲再出太后又止之不可既陳慕容彥超引輕

騎直前奮擊馬倒引兵退麾下死者百餘人于是諸軍奪氣稍稍降于北軍彥超遂與十餘騎奔還充州

漢主獨與三相及從官數十人宿于七里寨

在開封府城北

餘皆逃潰旦日將還宮至元化門劉銖在門上射漢主左右漢主回轡西北至趙村追兵已至漢主下馬入民家為亂兵所弑蘇達吉閭晉卿郭允明皆自殺咸至劉銖射之咸自迎春門入歸私第諸軍大掠通夕獲劉銖李洪建囚之令諸將分部禁止掠者至晡

乃定遷隱帝梓宮于西宮或請如魏高貴卿公故事
葬以公禮威不許曰倉猝之際吾不能保衛乘輿罪
已大矣況敢貶君乎馮道帥百官謁見郭威威猶拜
之道受拜如平時徐曰侍中此行不易

漢迎武寧節度使劉贊于徐州

郭威帥百官起居太后奏請早立嗣君太后誥曰河
東節度使崇忠武節度使信皆高祖之弟武寧節度
使贊開封尹承勲高祖之子其令百官議擇所宜贊

崇之子高祖愛之養視如子郭威王峻入見太后請以承勲為嗣太后曰承勲久羸疾不能起令左右以卧榻舉之示諸將諸將乃信之于是郭威與峻議立贊帥百官表請太后詰遣太師馮道及樞密直學士王度秘書監趙上交詣徐州奉迎

威之討三叛也見詔書處分軍事皆

合機宜問誰為之使者以范質對威曰宰相器也至是令草詔令具儀注蒼黃之中討論撰定皆得其宜

尋以為樞密副使

漢太后臨朝

郭威帥羣臣請之也

威殺劉錫李洪建及其黨皆梟首于市而赦其家威謂公卿曰

劉錫屠吾家吾復屠其家怨讎反覆庸有極乎由是數家獲免王殷屢為洪建請威不許

遼人破內邱

本漢中邱隋改名今縣屬順德府

克饒陽漢遣郭威將兵

擊之

馬希萼陷潭州殺楚王希廣而自立

希廣繼馬氏之業則為楚君名分已定而希萼叛之非唯傷同

氣之情并忘君臣之誼矣例以大義減親無可寬假乃希廣遭

先是希萼攻岳州刺史王贊堅守不下希萼呼贊曰
吾昔約君同行今何異心乎贊曰君王兄弟不相容
而責將吏異心乎願君王入長沙不傷同氣臣其敢

將之始則戒勿傷其兄及其將敗惟信巫放僧來子待斃而不悔信乎其為執夫而已

不盡節希萼慚引去遂下湘鄉

後漢縣今屬長沙府

至長沙屯

水西楚將劉彥瑤許可瓊屯水東指揮使彭師嵩

士

之登城望之言于希廣曰朗人驟勝而驕雖以蠻兵

易破也請令可瓊等陳山前臣以步卒三千自巴溪

即麻溪在長沙縣北

渡江

湘江也注見前

出嶽麓

山名在長沙府善化縣西衡山足也後

夜擊之希廣以為可而可瓊已送款于希萼遂沮其

議

希廣信巫覡及僧語塑鬼于江上舉手以卻朗兵又作大像于高樓手指水西怒目視之命衆僧日

夜誦經自衣僧服膜拜求福

朗兵水陸急攻指揮使吳宏小門使

楊滌相謂曰以死報國此其時矣各引兵出戰自辰至

午朗兵小卻劉彥瑫按兵不救彭師曷戰于城東北

隅可瓊舉全軍降希萼長沙遂陷希崇帥將吏詣希

萼勸進

吳宏見希萼曰不幸為許可瓊所誤今日死不愧先王矣彭師曷投禦于地大呼請死希

萼嘆曰鐵石人也皆不殺

希萼入府捕希廣獲之自稱楚王以希

崇為節度副使謂將吏曰希廣鈍夫也為左右所制

耳吾欲生之可乎朱進忠曰大王三年血戰始得長

沙一國不容二主他日必悔之乃賜希廣死

希廣臨刑猶謂

佛書彭師蒿菲之于瀏陽門外希芻名拓跋恒欲用之恒稱疾不起瀏陽門長沙東門以通瀏陽水名瀏陽水出長沙府瀏陽縣西北流入湘

漢劉贇發徐州

贇留右都押牙鞏廷美教練使楊溫守徐州與馮道等西來在道仗衛皆如王者左右呼萬歲郭威至滑州留數日贇遣使慰勞諸將受命之際相顧不拜私相謂曰我輩屠陷京城其罪大矣若劉氏復立我輩尚有種乎

漢郭威至澶州自立而還王峻王殷遣兵拒劉贊以太
后誥廢為湘陰公令郭威監國

威至澶州將發將士數千人忽大譟曰天子須侍中
自為之將士已與劉氏為仇不可立也或裂黃旗以
被威體共扶抱之呼萬歲震地因擁威南行威乃上
太后牋請奉漢宗廟事太后為母下書撫諭大梁士
民勿有憂疑至七里店竇貞固帥百官出迎拜謁勸
進贊至宋州王峻王殷聞澶州軍變遣郭崇威將七

百騎往拒之又遣馬鐔將兵詣許州巡檢崇威忽至
宋州贊大驚闔門登樓詰之對曰澶州軍變郭公遣
崇威來宿衛贊召崇威登樓執手而泣時護聖指揮
使張令超帥部兵為贊宿衛徐州判官董商說贊急
召令超夜剗崇威奪其兵北走晉陽贊猶豫未決是
夕崇威密誘令超帥衆歸之贊大懼郭威召馮道先
歸贊謂之曰寡人此來所恃者以公三十年舊相故
無疑耳令事危矣公何以為計道默然客將賈貞數

目道欲殺之贊曰汝輩勿草草無預馮公事崇威遷
贊于外館殺董裔賈貞等數人太后誥廢贊為湘陰
公馬鐸引兵入許州劉信自殺太后誥以侍中監國
百官藩鎮相繼上表勸進

後漢自高祖至隱
帝凡二主合四年

南漢以宮人為女侍中

南漢主以宮人盧瓊仙黃瓊芝為女侍中朝服冠帶
叅決政事宗室勲舊誅戮殆盡惟宦官林延遇

閩清人

等用事

延遇陰險多計數後卒為龔澄樞自代
南漢主即日用之龔澄樞南海人

辛周太祖郭威廣順元年北漢主劉崇乾祐四年是春
亥歲周代漢北漢建國凡五國三鎮十月湖南亡

正月郭威稱皇帝國號周

是為後周太祖

漢太后下詔授監國符寶即皇帝位制曰朕周室之

裔號叔之後

春秋有郭公公羊傳曰號謂之郭音之轉也

國號宜曰周改

元大赦凡倉場庫務掌納官吏無得收斗餘稱耗舊

所進羨餘物悉罷之犯竊盜及姦者並依晉天福元

年以前刑名罪人非反逆無得誅其親族籍沒家貲

唐莊宗明宗晉高祖各置守陵十戶漢高祖陵職員

官人薦享守戶並如故

漢太后遷居西宮

號昭聖太后

漢河東節度使劉崇表請湘陰公歸晉陽

初崇聞隱帝遇害欲起兵南向聞迎立湘陰公乃止

曰吾兒為帝吾又何求太原少尹李驥

正定人

陰說崇

賢雖迎立而大位未踐成否尚未可知李驥請據孟津實為河東自全上策且於湘陰繼統亦

曰觀郭公之心終欲自取公不如疾引兵逾太行據孟津俟徐州相公即位然後還鎮則郭公不敢動矣

無所損劉崇乃
以其子將為帝
遽有侈心視忠
言如朽鑿輕如
殘害卒之宋州
難作北漢雖業
未終歟器滿覆
之戒不其然乎

不然且為所賣崇怒曰腐儒欲離間吾父子命左右
曳出斬之驤呼曰吾負經濟之才而為愚人謀事死
固甘心家有老妻願與之同死崇并其妻殺之及贊
廢崇乃遣使請贊歸晉陽周主報曰湘陰公比在宋
州今方取歸必令得所公勿以為憂

漢湘陰公故將輩廷美等舉兵徐州

廷美楊溫聞湘陰公贊失位奉贊妃董氏據徐州拒
守以俟河東援兵周主使贊以書諭之

遼使至大梁

遼人之攻內邱也死傷頗多又值月食軍中多妖異
遼主懼引兵還遣使請和于漢會漢亡劉詞送其使
者詣大梁周主遣將軍朱憲報聘且叙革命之由

周以王殷為鄴都留守

周主以鄴都鎮撫河北控制遼境欲以腹心處之以
殷為留守領軍如故仍以侍衛司從赴鎮

周主為故漢主承祐舉哀成服

周主威弑漢湘陰公贇于宋州漢劉崇稱帝于晉陽

是為

北漢

劉崇即位于晉陽仍用乾祐年號所有者并汾忻代

嵐憲隆蔚沁遼麟石十二州之地

隆州晉漢間置地在
今岢嵐州餘注

俱見前

以判官鄭珙趙華

榮陽人

同平章事次子承鈞為

侍衛親軍都指揮使副使李存瓌為代州防禦使謂

諸將曰朕以高祖之業一朝墜地今日位號不得已

稱之顧我是何天子汝曹是何節度使耶由是不建

宗廟祭祀如家人宰相俸錢月止百緡節度使止三十緡自餘薄有資給而已聞湘陰公死哭曰吾不用忠臣之言以至于此為李驟立祠歲時祭之

周罷四方貢獻珍食詔百官上封事

周主謂王峻曰朕起于微寒備嘗艱苦遭時喪亂一旦為帝王豈敢厚自奉養以病下民乎命峻疏四方貢獻珍美食物詔悉罷之又詔曰朕生長軍旅不親學問未知治天下之道文武官有益國利民之術各

具封事以聞

周主悲出漢宮中寶玉器碎之于庭曰凡為帝王安用此為仍戒左右自今珍

華悅目之物

母得入宮

北漢主遣其子承鈞將兵伐周不克

二月周主以其養子榮為鎮寧節度使

選朝士為之僚佐以王敏崔頌

協之子

為判官王朴

字文

伯東
平人為掌書記

遼遣使如周周報之

北漢遣使如遼乞師

初遼主聞北漢主立使招討使潘伊納克遺劉承鈞書北漢主使承鈞復書言本朝淪亡欲循晉室故事求援北朝遼主大喜至是北漢主遣使如遼乞兵已而遼主遣使如北漢北漢主使鄭珙以厚賂謝之致書稱姪請行冊禮

按伊納克舊作韋樵今改正

周克徐州鞏廷美死之

夏四月蜀以伊審徵

字中圖太原人

知樞密院事

審徵蜀高祖

孟知祥廟號

之甥也少與蜀主相親狎及知

樞密以經濟為己任而貪侈同邪與王昭遠相表裏
蜀政由是浸衰

周以王峻范質李穀同平章事

初周主討河中已為人望所屬李穀時為轉運使周
主數以微言諷之穀但以人臣盡忠為對周主以是
賢之即位首用為相時國家新造四方多故王峻夙
夜盡心知無不為軍旅之謀多所裨益范質明敏彊
記謹守法度李穀沈毅有器畧論議忼慨善譬喻以

開主意

楚朗州將王逵

朗州武陵人

周行逢

亦武陵人

等逐其節度使推

劉言

廬陵人

為留後

先是楚朗州指揮使王逵副使周行逢作亂入于朗

州

楚王希萼既得志殺戮無度縱酒荒淫使逵行逢帥所部兵治府舍執役甚勞又無犒賜士卒愁怨

逵行逢帥眾逃歸希萼遣兵追之逵行逢擊殺殆盡遂入朗州推楚王希萼兄子光

惠為留後及是逵行逢以光惠愚懦嗜酒辰州

隋置今為

府屬湖南刺史劉言驍勇得蠻夷心欲迎以為副使言知

達等難制曰不往將攻我乃單騎赴之既至衆廢光
惠推言權武平留後求節于唐亦稱藩于周

遼遣使如北漢册命其主崇更名旻

遼燕王舒幹

遼史作罕察述軋察罕舊作察割今並改

按舒幹舊作

弒其主鄂約

而自立舒嚕討殺舒幹而代之

北漢遣兵伐周遼主欲引兵會之與諸部議諸部不
欲南彊之行至新州燕王舒幹作亂弒遼主而自立
齊王舒嚕逃入南山諸部奉之以攻舒幹殺之立舒

嚕為帝北漢主復以叔父事之請兵以擊晉州舒嚕
年少好遊戲每夜酣飲達旦乃寐日中方起國人謂
之睡王後更名明

五代史遼
史俱作環

楚將徐威等作亂廢其君希萼立希崇為武安留後楚
人復立希萼居衡山

楚王希萼悉以軍政委其弟希崇希崇與指揮使徐
威陸孟俊等謀作亂會希萼宴將吏威等先驅馬十
餘入府自帥其徒執斧斤白梃聲言繫馬奄至座上

希萼弑希廣而自立實為楚之亂臣師焉希廣當以故君為重則希萼乃其仇也方其大呼請死時勁氣凜然頗似明於不二之義者既不能殺賊雪憤且奉為主而謹事之何其厚于萼而薄于廣也

縛希萼而囚之立希崇為武安留後希崇遣彭師嵩

廖偃幽希萼于衡山縣師嵩偃奉希萼為衡山王

初希

萼入長沙師嵩雖免死猶杖背黥為民希崇以為師嵩必怨之使送希萼于衡山師嵩曰欲使我為弑君之人乎奉事適謹與衡山指揮使廖偃謀共立希萼為衡山王以縣為行府召募徒眾各州縣多應之

冬十月唐遣邊鎬將兵擊楚馬希崇降

楚自馬殷據湖南立希崇降唐

凡六主合五十六年

徐威等見希崇所為知必無成又畏朗州衡山之逼欲殺希崇希崇大懼密奉表請兵于唐唐主命邊鎬

將兵萬人聚長沙希崇率弟姪迎拜鎬下馬稱詔勞

之時湖南饑饉鎬大發馬氏倉廩賑之楚人大悅

是月

唐將劉仁贍取岳州撫納降附人忘其亡既而南漢取桂州盡有嶺南地

劉仁贍字子惠彭城人

遼北漢會兵伐周攻晉州

遼遣蕭裕矩將兵五萬會北漢兵伐周北漢主自將

兵二萬攻晉州三面置寨晝夜攻之巡檢使王萬敢

與都指揮使史彥超

雲州人

何徽等共拒之

唐以邊鎬為武安節度使遷馬氏之族于金陵

馬希萼望唐人立己為潭帥而潭人惡希萼共請遣
鎬為帥鎬趣希崇希萼入朝希崇與宗族及將佐千
餘人號慟登舟送者皆哭響振川谷希萼亦與將佐
士卒萬餘人東下尋至金陵唐主以希萼鎮洪州希
崇鎮舒州

唐百官賀湖南平起居郎高遠曰我乘楚
亂取之甚易觀諸將之才恐守之甚難耳

司徒致仕李建勳曰禍其始于
此乎 高遠字悠遠幽州人

十一月周遣王峻救晉州

詔諸軍皆受峻節度聽以便宜從事

十二月周主自將救晉州不果行

王峻留陝州旬日周主以北漢攻晉州急議自將由
澤州路與峻會兵救之十二月朔詔以三日西征峻
因使者言于周主曰晉州城堅未易可拔劉崇兵鋒
方銳不可力爭所以駐兵待其衰耳陛下新即位不
宜輕動若車駕出汜水則慕容彥超引兵入汴大事
去矣周主聞之以手提耳曰幾敗吾事乃勅罷親征
周王峻至晉州遼北漢兵夜遁

北漢主攻晉州久不克軍乏食遼人思歸聞王峻至

燒營夜遁

峻入晉州諸將請亟追遼漢兵峻猶豫未決明日乃遣指揮使藥元福康延治將騎

兵追之北漢兵墜崖谷死者甚衆遼人比至晉陽士馬什喪三四北漢主始息意于進取北漢土瘠民貧內供軍國外奉遼人賦繁役重民不聊生逃入周境者甚衆

壬周廣順二年是歲凡五子國三鎮劉言據湖南

春正月周泰寧軍節度使慕容彥超反周發兵討之

初周主既立彥超遣使入貢于周周主賜詔慰安之

及徐州平彥超疑懼日甚

潛以書結北漢又求援于唐

周主遣使

與警彦超愈不自安反迹漸露至是彦超發鄉兵入

城為戰守之備又多募羣盜剽掠鄰境周主以曹英

即曹威避周主名改焉為都部署向訓向氏宋向戌之後訓河內人後更名拱字星民

為都監藥元福為都虞候討彦超唐主發兵軍下邳以援彦超周師逆

擊大破之彦超勢沮英等至兗州設長圍彦超屢出戰藥元福

皆擊敗之長圍合遂進攻之彦超之將反也判官崔周度諫曰魯詩書之圖

自伯禽以來不能霸諸侯然以禮義守之可以長世公子國家非有私憾況主上開諭勤至苟撤備歸誠

則坐享泰山之安矣彦超怒及是括士民之財以贖軍坐匪財死者甚衆周度遂為彦超所殺

二月唐設科舉既而罷之

唐主好文學故韓熙載馮延巳延魯江文蔚潘佑

幽州

人徐鉉之徒皆至美官文雅于諸國為盛然未嘗設科舉多因上書言事拜官至是始命文蔚知貢舉執政皆不由科第相與沮毀竟罷之

三月唐以馮延巳孫晟同平章事

唐以延巳晟為相既宣制戶部尚書常夢錫衆中大言曰白麻甚佳但不及江文蔚疏耳

文蔚疏劾延巳事具前 晟

素輕延巳謂人曰金盃玉盤乃貯狗矢乎

夏四月丙戌朔日食

周主自將討兗州克之慕容彥超自殺

周主以曹英久無功下詔親征至兗州使人招諭彥超不從乃命進攻彥超貪吝人無鬪志將卒多出降

官軍克城彥超赴井死官軍大掠城中死者近萬人

周主欲誅其將吏翰林學士竇儀

字可象
漁陽人見馮道

范質與共白曰彼皆脅從耳乃赦之

六月朔周主如曲阜謁孔子祠

在曲阜縣城中
即闕里故宅

拜其墓

注見
前

周主謁孔子祠將拜左右曰孔子陪臣也不當以天子拜之周主曰孔子百世帝王之師敢不敬乎遂拜又拜孔子墓命禁樵採訪孔子顏淵之後以為曲阜令及主簿

蜀大水壞其太廟

遼幽州節度使蕭海真

遼史作國舅蕭眉古
得世宗后之弟也

請降于周

不果

李濤之弟澣在遼為勤政殿學士與海真善說海真
內附海真欣然許之澣因謀以聞且與濤書言契丹
主童駭無遠志朝廷若能出兵必克不然與和必得
二者皆利于速度其情勢他日終不能力助河東者
也會中國多事不果從

秋九月遼攻周冀州周兵拒卻之

冬十月武平留後劉言遣兵攻潭州唐節度使邊鎬棄

城走言遂取湖南

唐武安節度使邊鎬昏懦無斷不合衆心唐主使鎬

經畧朗州召劉言入朝言不行謂王逵曰唐必伐我

奈何逵曰邊鎬撫御無方士民不附可一戰擒也言

乃以逵及周行逢何敬真

武陵人

潘叔嗣張文表

俱朗州人

等十人皆為指揮使部分發兵

行逢能謀文表善戰叔嗣果敢三人多相

須成功情
欺甚昵

十月逵等將兵分道趣長沙邊鎬遣屯兵

益陽逵等克之遂至潭州鎬棄城走吏民俱潰逵入

城自稱武平節度副使權知軍府事以何敬真為行
軍司馬唐將守湖南諸州者相繼遁去劉言盡復馬
氏嶺北故地惟郴連入于南漢

遼大水

瀛莫幽州大水流民入塞者四十萬口周詔所在賑
給存處之中國民被掠得歸者十五六

周平章事李穀辭位不許

穀以病臂辭位周主遣中使諭旨曰卿所掌至重朕

難其人苟事功克集何必朝禮穀不得已復視事穀
未能執筆詔以三司務繁命刻名印用之

周立訴訟法

敕民有訴訟必先歷縣州及觀察使處決不直乃聽
詣臺省或自不能書牒倩人書者必書所倩姓名居
處若無可倩聽執素紙所訴必須已事毋得挾私容

訴

謂代人
申訴

周慶州

注見
前

野雞族

黨項別種
居慶州北

反遣折從阮討之

慶州刺史郭彥欽性貪野難族多羊馬彥欽故擾之
以求賂野難族遂反徙折徙阮為靜難節度使討之
已而野難族降殺牛族復反周主以郭彥欽擾羣胡
致其作亂黜廢于家選良吏為刺史以撫之會解州
刺史郭元昭代歸元昭政與樞密魏仁浦有隙甚懼
仁浦知之即白周主以元昭為慶州刺史殺牛族
亦黨項
別種

唐馮延巳孫晟罷削邊鎬官爵流饒州

邊鎬庸碌下材
務姑息而不知
要領其始撫綏

初鎬從查文徽克建州凡所俘獲皆全之建人謂之
邊佛子及克潭州市不易肆潭人謂之邊菩薩既而

安新民未嘗不
受其益鱗而因
循不振流為廢
弛愛人而不得
其道非惟害人
而并以自害逮
乎建潭與誦母
況愈下誠可鄙
耳

政無綱紀惟日設齋供盛修佛寺潭人失望謂之邊

和尚至是鎬削官坐譴馮延巳孫晟上表請罪皆釋

之晟陳情不已乃與延巳皆罷

唐主以比年出師無功乃議休兵息民或

曰願陛下數十年不用兵可小康矣唐主曰將終身不用何數十年之有先是吉水人歐陽廣上書言邊

鎬非將帥才必喪湖南唐主不聽及是思廣言拜本縣令

十二月河決鄭滑周遣使修塞

周靜難節度使侯章

并州榆次人

入朝

章獻買宴絹千匹銀五百兩周主不受曰諸侯入覲

天子宜有宴犒豈待賈邪自今如此比者皆不受

癸周廣順三年是歲凡五
丑國三鎮王達據湖南

春正月周以劉言為武平節

度使

劉言上表于周乞移使府治朗州且請貢獻賣茶悉
如馬氏故事許之以言為武平節度制置武安靜江
等軍事王達為武安節度使何敬真為靜江節度使
周行逢為武安行軍司馬敬真尋為達所殺

周罷戶部營田務除租牛課

寓兵于農古制
既不可復自充
國建議屯田猶
得寓農于兵之
意然其大要惟
在實邊儲省輸
稅經理得宜庶
乎有事可戰無
事可戍均不失
為良法若五季
中原宿兵徒成
弊政募高資而
括逋賦者是實

前世屯田皆在邊地使戍兵佃之唐末中原宿兵所
在皆置營田以耕曠土其後又募高資戶使輸課佃
之戶部別置官司總領不隸州縣或丁多無役或容
庇姦盜州縣不能詰梁太祖擊淮南得牛萬計以給
農民使歲輸租牛死而租不除民甚苦之周主素知
其弊李穀亦以為言敕悉罷之以其民隸州縣田廬
牛具並賜見佃者為永業是歲戶部增三萬餘戶民
既得為永業始敢葺屋植木獲地利數倍或言營田

非則誠不如其
已矣

有肥饒者不若鬻之可得錢數十萬緡以資國用周

主曰利在于民猶在國也朕用此錢何為

唐草澤郎
崇上言近

遊淮上聞周主恭儉增修德政吾兵新
破于譚朗恐其有南征之志宜為之備

遼攻周定州周擊走之

周鎮寧節度使郭榮入朝

先是榮屢求入朝王峻忌其英烈每沮止之會峻行

視決河

周主以決河為
憂峻請自行視

榮復請周主許之至是乃入

朝

故李守貞騎士馬全義從榮入朝召見補殿前指
揮使謂左右曰全義忠于所事昔在河中屢挫吾

軍汝輩宜效之
馬全義幽州薊人

周以王峻兼平盧節度使

峻聞榮入朝遽自河上還大梁固求領鎮故有是命
二月周更作二寶

初遼主德光以晉傳國寶北還至是更以玉作二寶
五代會要時製寶兩座用白玉方六寸螭虎紐其一
以皇帝承天受命之寶為文其一以皇帝神寶為文
命中書令
馮道書寶

周貶王峻為高州司馬

峻晚節益狂躁奏請以願行

字祖德曲阜人充國公四十五代孫

陳觀

為相周主曰進退宰輔不可倉猝俟更思之峻語漫不遜峻退周主幽之別所召見馮道等泣曰王峻朕太甚欲盡逐大臣翦朕羽翼朕惟一子專務間阻無君如此誰則堪之乃貶峻商州司馬以病卒

三月周主以郭崇為開封尹封晉王

夏六月周九經板成

後唐長興中所刻九經板至是始成獻之由是雖亂

世九經傳布甚廣

是時蜀母昭裔亦出私財百萬營學館且隨刻板印九經蜀主從之

由是蜀中文學亦盛母氏齊宣王弟封母鄉其後因以為氏昭裔河中龍門人

王達執劉言殺之尋以周行逢知朗州事

達上表于周誣言欲降唐幽之別館請復移使府治

潭州周從之達以周行逢知朗州事使潘叔嗣殺言

于朗州

已而達復徙治朗州以行逢知潭州事叔嗣為岳州團練使

秋七月唐大旱

唐大旱井泉涸淮水可涉饑民度淮相繼濠壽發兵

禦之民與鬪而北周主聞之曰彼我之民一也聽糴米過淮唐人遂築倉多糴以供軍八月詔以舟車運載者勿予

八月周塞決河

周大水

周築郊社壇作太廟于大梁

周主自入秋得風痺疾術者言宜散財以禳之周主欲祀南郊又以自梁以來郊祀常在洛陽疑之執政

曰天子所都則可以祀百神何必洛陽于是始築圜丘社稷壇作太廟于大梁

周鄴都留守王殷入朝周主殺之

殷恃功專橫凡河北鎮戍兵應用敕處分者殷即以帖行之又多掊斂民財周主聞之不悅因其入朝留充京城內外巡檢因力疾御殿殷入起居遂執之下制誣殷謀以郊祀日作亂殺之

唐復置科舉

從知制誥徐鉉之請也

冬十二月周主朝享太廟疾作而退

周主享太廟纔及一室不能拜而退命晉王榮終禮
是歲宿南郊幾不救夜分小愈

甲周顯德元年正月世宗皇帝榮立冬北漢
寅乾祐七年是子鈞立是歲凡五國三鎮

春正月朔

周主祀園丘

周主祀園丘僅能瞻仰致敬而已

周以晉王榮判內外兵馬事

時羣臣希得見中外恐懼聞晉王典兵人心稍安

周主疾篤詔晉王榮聽政

周主疾篤停諸司細務勿奏有大事則晉王榮稟進

止宣行之

初周主在鄴都奇愛小吏曹翰之才使之

事晉王榮至是翰請問曰大王國之儲嗣
今主上寢疾大王當入侍醫藥奈何猶決事于外邪
榮感悟即日入止禁中周主屢戒榮曰昔吾西征見
唐十八陵無不發掘者此無他惟多藏金玉故也我
死當衣以紙衣斂以瓦棺塋中無用石以雙代之工
人役徒皆和雇勿以煩民葬畢募近陵民三十戶蠲
其雜徭使之守視勿修下宮置官人作石羊虎人馬
惟刻石置陵前云周天子平生好儉約遺令用紙衣
瓦棺嗣天子不敢違也汝或吾違吾不福汝

曹翰

大名
人

周遣使分塞決河

周以王溥同平章事

周主命趣草制相溥宣畢曰吾無恨矣

周主威祖晉王榮立

是為周
世宗

二月北漢主以遼兵擊周周昭義節度使李筠

即李榮
避周主

名逆戰敗績

北漢主聞周太祖殂甚喜遣使請兵于遼遼遣其政

事令楊袞將萬騎如晉陽北漢主自將兵三萬以白

從暉

叶谷
潭人

為都部署張元徽

武安
人

為前鋒使與遼趣

潞州節度使李筠遣其將穆令均將兵逆戰元徽與
戰陽不勝而北令均逐之伏發被殺筠遁歸上黨嬰
城自守

三月周主自將與漢戰于高平

注見
前

漢兵敗績周將樊

愛能何徽等伏誅

周主欲自將禦漢兵羣臣皆曰陛下新即位山陵有

馮道歷事四姓
浮沈取容未聞
有所建白忽于
周主自將一節
曉曉不休既非
致主之忠又無
料敵之智而激
切盡言頗似強
直此非沽直名
以救末路蓋彼
天性畏事即使
北漢至而周祚
移彼又將從北

日人心易搖不宜輕動宜命將禦之周主曰崇幸我

大喪輕朕年少新立此必自來朕不可不往馮道固

爭之

周主曰昔唐太宗定天下未嘗不自行朕何敢
偷安道曰未審陛下能為唐太宗否周主曰以

吾兵力之強破劉崇如山壓卵耳通
曰未審陛下能如山否周主不悅惟王溥勸行乃

命馮道奉梓宮赴山陵遂發大梁至懷州兼行速進

宿澤州東北北漢主軍高平南明日周前鋒擊之北

漢兵卻周主慮其遁去趣諸軍急進北漢主陳于巴

公原

在澤州府鳳臺縣
北今名巴公鎮

張元徽軍其東楊衮軍其西

漢而保祿位周
之成敗固非所
介于懷也

衆頗嚴整周河陽節度使劉詞將後軍未至衆心危

懼而周主志氣益銳命白重贊

惠州人

李重進

滄州人周太祖

之甥將左軍居西樊愛能何徽將右軍居東向訓史彥

超將精騎居中張永德

字抱一并州陽曲人

將禁兵自衛介馬

臨陳督戰北漢主見周兵少悔召遼兵遼將楊衮策

馬前望周軍退謂北漢主曰勁敵也未可輕進北漢

主奮髀曰請公勿言試觀我戰時東北風盛俄轉南

風北漢主麾東軍先進擊周右軍合戰未幾周樊愛

能何徽引騎兵先遁右軍潰步兵千餘人解甲降北

漢周主見軍勢危自引親兵犯矢石督戰趙匡胤

涿郡

人即宋太祖

時為宿衛將謂同列曰主危如此吾屬何得

不致死又謂張永德曰賊氣驕可破也公引兵乘高

西出為左翼我為右翼以擊之國家安危在此一舉

永德從之各將二千人進戰匡胤身先士卒馳犯其

鋒士卒死戰無不一當百北漢兵披靡張元徽前畧

陳馬倒為周所殺北軍奪氣時南風益盛周兵爭奮

北漢兵大敗楊衮畏周兵之彊不敢救且恨北漢主之語全軍而退時北漢主尚有餘衆萬餘人阻澗而陳薄暮劉詞至復與諸軍擊敗之追至高平僵尸滿谷委棄輜重器械不可勝紀是夕周主野宿得步兵之降敵者皆殺之樊愛能等聞捷與士卒稍稍復還北漢主帥百餘騎晝夜北走所至得食未舉筋或傳周兵至輒蒼黃而去衰老力憊殆不能支僅得入晉陽周主休兵高平欲誅樊愛能等猶豫未決以訪張

永德對曰愛能等素無大功忝冒節鉞望敵先逃死
未塞責且陛下欲削平四海苟軍法不立雖有熊
羆之士百萬之衆安得而用之周主稱善即收愛能
徽及所部軍使以上七十餘人責之曰汝輩非不能
戰正欲以朕為奇貨賣與劉崇耳悉斬之自是驕將
情卒始知所懼矣永德稱趙匡胤之智勇周主擢為

殿前都虞候

宋太祖
事始此

餘將校遷拜者凡數十人

北漢
主收

散卒繕甲兵完城壘以備周遣王得中送楊冢還因
復求赦于遼遼主許之已而得中師值周兵囚送于

軍周主釋之賜以帶馬問虜兵何時當至得中曰臣受命送楊衆他無所求或謂得中曰公不以實告契丹兵即至公得無危乎得中太息曰吾食劉氏祿有老母在城中若不實告周人必發兵據險以拒之如此則家國兩亡吾獨生何益不若殺身以全家國所得多矣居數日周人繼殺之王得中上黨人

周遣行營都署符彥卿督諸將攻北漢至晉陽孟縣

漢置

今縣屬平定州汾遼州降

周主遣符彥卿等北征但欲耀兵于晉陽城下未議攻取既入北漢境其民爭以食物迎勞泣訴劉氏賦役之重願供軍須助攻晉陽州縣亦繼有降者周主

始有兼并之意

既而北漢憲嵐州降周周又克北漢石州沁忻州亦降

周中書令馮道死

道少能矯行以取稱于世及為大臣尤務持重以鎮

物事四姓十君

滑稽多智
浮沈取容

益以舊德自處然是時天

下大亂道視喪君亡國未嘗以屑意方自著長樂老

叙述所得累朝階勲官爵以為榮君子鄙之

歐陽修論曰禮義廉恥國之四維四維不張國乃滅亡況為大臣而無廉恥天下其有不亂國家其有不亡者乎觀馮道長樂老故自述以為榮可謂無廉恥者矣則天下國家可從而知也

夏五月周主攻晉陽不克引軍還

周主自潞州趨晉陽至其城下旗幟環城四十里遼騎數千屯忻代之間周遣符彥卿等擊之史彥超為前鋒恃勇輕進為遼所殺周兵死傷甚衆彥卿引兵還晉陽時方久雨士卒疲病會彥超死乃議引還將發匡國節度使藥元福曰進軍易退軍難乃勒兵成列而殿北漢果出兵追躡元福擊走之然軍還愈遽焚棄芻糧數十萬失亡不可勝計所得北漢州縣復

皆失之

周主以連眾議破北漢兵自是政無大小皆親決百官受成而已河南府推官高錫上書

人君躬覽庶政則權不下移奸欺無由得售所全實多高錫枉于姜婁習見但以垂拱為得大體而不知勅獎實據治原猶如所言擇人分任而不復稽其職事要必所擇皆簡與能而不爽知人之鑒乎觀周世宗事皆親

冬十月周簡閱諸軍募壯士以補宿衛

初宿衛之士累朝相承務為姑息不欲簡閱恐傷人情由是羸老居多但驕蹇不用命實不可用每遇大

疎曰四海之廣萬幾之眾雖堯舜不能獨治必擇人而任之今陛下以一身親之天下不謂陛下聰明睿知足以兼百官之任皆謂陛下褊迫疑忌不信羣臣耳不若選能知人公正者以為宰相能愛民聽訟者以為守令能豐財足食者使掌金穀能原情守法者使掌刑獄陛下但垂拱明堂視其功過而賞罰之天下何憂不治何必降君尊而代臣職屈貴位而親賤事無乃失政之本乎不從高錫字天福河中虞鄉人

決而美政史不
勝書可以知治
要矣

敵不走即降其所以失國亦多由此周主因高平之
戰始知其弊謂侍臣曰凡兵務精不務多今以農夫
百未能養甲士一奈何服民之膏血養此無用之物
乎且健懦不分衆何所勸乃命大簡諸軍精銳者升
之上軍羸者斥去之又以驍勇之士多為諸道所蓄詔
募天下壯士咸遣詣闕命趙匡胤選其尤者為殿前
諸班其騎步諸軍各命將帥選之由是士卒精彊所
向克捷

周罷諸道巡檢使臣

周主謂侍臣曰諸道盜賊頗多蓋由累朝分命使臣
巡檢致藩侯守令皆不致力宜悉召還專委節鎮州
縣責其清肅

十一月周河隄成

河自楊劉至于博州百二十里連年東潰分為二派
滙為大澤瀾漫數百里又東北壞古隄而出灌齊棣
淄諸州漂沒田廬不可勝計流民采菰

即芟
米也稗草似
穀者

捕魚以給食久不能塞至是遣李穀按視隄塞役徒六萬三十日而畢

北漢主旻殂子鈞立

北漢主自高平之敗憂憤成疾悉以國事委其子承鈞及是北漢主殂告哀于遼遼冊命承鈞為帝更名鈞鈞性孝謹既嗣位勤于為政愛民禮士境內粗安其事遼表稱男遼賜詔為兒皇帝

湖南大饑

是歲湖南大饑周行逢開倉以賑之全活甚衆

行逢起于

微賤知民間疾苦其自奉甚薄或譏其太儉行逢曰馬氏父子窮奢極靡不恤百姓今子孫乞食于人又足致

乎

乙酉顯德二年是春正月周制給漕運斗耗卯歲凡五國三鎮

自晉漢以來漕運不給斗耗綱吏多以虧欠抵死至是詔每斛給耗一斗

周遣使如夏州

先是周主圖晉陽折德康將兵來朝因置永安軍以

一齋詔往責而
彝興謝罪恐後
由周世宗灼見
其無能為是以
言下立斷莫不

德宸為節度使李彝興以德宸與已並列恥之塞路
不通周使周主謀于宰相對曰夏州邊鎮朝廷每加
優借府州褊小得失不繫重輕且宜撫諭彝興庶全
大體周主曰德宸數年以來盡力以拒劉氏奈何一
旦棄之且夏州惟產羊馬貿易百貨悉仰中國我若
絕之彼何能為乃遣供奉官齋詔書責之彝興惶恐
謝罪

周制舉令

縣錄州錄
今錄事法

如志若狂于優
借之說委曲調
停轉至損威敗
事侵弄貽害觀
于宋人以天下
全力為西夏一
隅所困莫敢誰
何對此能無頗
厚乎

初令翰林學士兩省舉令錄除官之日仍署舉者姓
名若貪穢敗官並當連坐

周浚胡盧河

在趙州寧晉縣東南今名寧晉泊亦曰北泊漳滏諸水所匯下流至冀州合滹沱河

城李晏口

今曰李晏鎮有二一在河間府景州東北為東鎮一在深州南為西鎮

以張藏

英

范陽人嘉貞之後

為沿邊巡檢使

遼人屢侵河北輕騎深入無藩籬之限郊野每困殺
掠言事者稱深冀之間有胡盧河橫亘數百里可浚
之以限其奔突詔王彥超

大名臨清人

韓通

太原人

將兵夫

浚之築城于李晏口留兵戍之周主召張藏英問以
備邊之策藏英具陳地形要害請列置戍兵募邊人
驍勇者厚其廩給自請將之隨宜討擊從之藏英到
官數月募得千餘人彥超等視役嘗為遼人所圍藏
英引兵馳擊大破之自是河南之民始得休息

二月庚子朔日食周召羣臣極言得失

詔曰朕于卿大夫才不能盡知面不能盡識若不采
其言而觀其行審其意而察其忠則何以見器識之

淺深知任用之得失若言之不入罪實在予苟求之
不言咎將誰執

夏四月周廣大梁城

周主以大梁城中迫隘詔展外城先立標幟今冬農
隙興板築東作動則罷之更俟次年以漸成之

周以王朴為諫議大夫知開封府事

周主謂宰相曰朕每思致治之方未得其要寢食不
忘又吳蜀幽并皆阻聲教未能混一宜命近臣著為

君難為臣不易論及開邊策各一篇朕將覽焉比部

郎中王朴獻策

曰中國之失英蜀幽并皆由失道今必先觀所以失之之原然後知所以

取之之術其始失之也莫不以君暗臣邪兵驕民困
姦黨內熾武夫外橫因小致大積微成著今欲取之
莫若反其所為而已進賢退不肖以收其才恩德誠
信以結其心賞功罰罪以盡其力去奢節用以豐其
財時使薄斂以阜其民俟羣才既集故事既治財用
既充士民既附然後舉而用之功無不成矣凡攻取
之道必先其易者唐與吾接境幾二千里其勢易擾
也擾之當以無備之處為始備東則擾西備西則擾
東彼必奔走而救之奔走之間可以知其虛實強弱
然後避實擊虛避強擊弱未須大舉宜以輕兵擾之
南人懦怯聞小有警必悉師以救之師數動則民疲
而財竭不悉師則我可以乘虛取之如此江北諸州

將患為我有既得江北則用彼之民行我之法江南亦易取也得江南則嶺南巴蜀可傳檄而定南方既定則燕地必望風內附若其不至移兵攻之席捲可平惟河東必死之寇不可以恩信誘必當以彊兵制之然彼自高平之敗力竭氣沮必未能為遠患宜且以為後圖俟天下既平然後伺間一舉可擒也思隱謂矜周主欣然納之時羣臣多守常偷安所對少恤也

可取者惟朴神峻氣勁有謀能斷周主重之以為諫議大夫知開封府事

五月周遣鳳翔節度使王景

某州人伐蜀

周主謀取秦鳳求可將者王溥薦宣徽使白訓詔訓

與景偕取秦州

周廢無額寺院禁私度僧尼

敕天下寺院非敕額者悉廢之禁私度僧尼凡欲出家者必俟祖父母父母伯叔父之命禁僧俗捨身斷手足煉指挂燈帶鉗之類幻惑流俗者令諸州每歲造僧帳有死亡歸俗皆隨時開落廢寺院三萬餘所存二千六百九十四見僧尼六萬餘人

六月周主親錄囚于內苑

有汝州民馬遇父及弟為吏所冤死屢經覆按不能
自伸周主臨問始得其實人以為神由是諸長吏無
不觀察獄訟

蜀遣使如唐及北漢

蜀主遣間使如北漢及唐欲與之俱出兵以制周二
國皆許之

周以張美

字元珪貝州清河人

權點檢三司事

初周主在澶州美掌州之金穀隸三司者周主或私

有所求美曲為供副至是以美治財精敏當時鮮及
故以權授之征伐四方用度不乏美之力也然思在
澶州所為終不以公忠待之

秋九月周始鑄錢

周主以縣官久不鑄錢而民間多銷錢為器皿及佛
像錢益少敕立監采銅鑄錢唯法物軍器及寺觀鐘
磬鉞鐸之類聽留外民間銅器佛像五十日內輸官
受直過期匿五斤以上罪死不及者論刑有差

周主謂侍

臣曰佛以善道化人苟志于善斯奉佛矣彼銅像豈所謂佛邪且吾聞佛志在利人雖頭目猶捨以布施若朕身可以濟民亦非所惜也

周王景敗蜀師取秦階成州

蜀主遣李廷珪伊審徵拒周兵王景遣裨將以兵趣

唐倉

鎮名在漢中府鳳縣北

扼蜀歸路蜀將戰敗秦州判官趙

玘

潼州人

舉城降成階二州皆降百官皆入賀周主舉酒

屬王溥曰邊功之成卿擇帥之力也

蜀李廷珪伊審徵請罪蜀王皆

釋之致書請和于周周主怒其抗禮不答周師圍蜀鳳州節度使王環拒守不下久之城陷執環及都監

趙崇溥崇溥不食而死環召見周主嘉其不降授右驍衛將軍王環鎮州人

冬十一月周遣李穀督諸軍伐唐

周以李穀為淮南前軍都部署王彥超副之督侍衛

都指揮使韓令坤

磁州武安人

等十二將以伐唐

唐主性

文華而喜人順已由是故臣日進政事日亂既克建州破湖南益驕有吞天下之志李守貞慕容彦超之叛皆為之出師又遣使通達及北漢約共圖中國然速利其貨徒以虛語相往來實不為之用也先是每冬淮水淺涸常發兵戍守謂之把淺壽州監軍吳延昭以疆場無事罷之清淮節度使劉仁贍固爭不能得及是周師將至唐人大懼仁贍神氣自若都分守禦無異平日衆情稍安

周疏汴水

汴水自唐末潰決自埧橋東南悉為汙澤周主謀擊唐先命發民夫因故隄疏導之東至泗上議者皆以為難成周主曰數年之後必獲其利

唐遣兵拒周師于壽州周師擊敗之

唐主以劉彥貞

兗州中都人

為都部署將兵二萬趣壽州

皇甫暉

後晉開運末奔唐

姚鳳將兵三萬屯定遠

梁縣今屬鳳陽府

召鎮南節度使宋齊邱還金陵謀國難周李穀等為

浮梁自正陽

鎮名有二一在潁州府潁上縣東南為西鎮一在鳳陽府壽州為東鎮兩鎮夾

淮相

對 濟淮王彥超敗唐兵于壽州城下

周樞密使鄭仁誨

字日新晉陽人

卒

仁誨卒

仁誨為周太祖所親重居中謀畫慎密不聞于人極謹好禮為士大夫所稱

周主

欲臨其喪近臣奏歲道非便

謂年月方道不利

周主曰君臣

義重何時日之有往哭盡哀

吳越遣使入貢于周

吳越王俶遣使入貢于周周以詔諭之使出兵擊唐

傲既奉詔又以其相吳程言遣兵襲唐常州元德昭曰唐大國未可輕也若我入唐境而周師不至能無危乎已而唐主以柴克宏為右衛將軍使救常州尋召運宣潤都督燕王冀表留之時吾程已克常州外郭克宏引兵襲擊其營大破之斬首萬餘級克宏復請將兵救壽州未至而卒吳程字正臣山陰人元德昭本姓危字明遠撫州南城人惡危字更姓為元柴克宏再用之子

丙周顯德三年是歲凡五
辰國三鎮周行違據湖南
春正月周主自將伐唐大敗

唐兵斬其將劉彥貞

周主下詔親征淮南命侍衛都指揮使李重進將兵
先赴正陽遂發大梁李穀攻壽州久不克劉彥貞救

之穀退保正陽彥貞素驕貴無才畧聞李穀退喜引

兵直抵正陽劉仁贍及池州刺史張全約固止之彥

貞不從李重進度淮逆戰大破之斬彥貞擒其裨將

咸師朗等斬首萬餘級

是時江淮久安民不習戰唐人大恐張全約收餘衆奔壽

州劉仁贍表為左廂都指揮使皇甫暉姚鳳
退保清流關清流關在滁州西南

周以李重進為都招討使李穀判壽州行府事

二月周主命趙匡胤將兵襲唐滁州克之擒其將皇甫

暉姚鳳

先是周主至壽州城下命諸軍圍之徙正陽浮梁于下蔡遣趙匡胤擊唐兵于塗山大破之至是下蔡浮梁成周主自往視之命匡胤倍道襲清流關皇甫暉等驚走入滁州斷橋自守匡胤躍馬度兵涉水直抵城下暉曰人各為其主願容成列而戰匡胤笑而許之暉整衆而出匡胤突陣擊暉擒之并擒姚鳳遂克滁州

初永興節度使劉詞遣表薦其幕僚趙普至是范質以為滁州判官匡胤與語悅之時獲盜百餘人皆應死普請先訊鞠然後決所活什七八匡胤益奇之匡胤咸名曰咸每臨陣必以繫纓飾馬旌仗

鮮明或曰如此則為敵所識匡脩者吾國
欲其識之耳
趙普字則平幽州薊人

唐主遣鍾謨

字重益
崇安人

李德明奉表于周

唐主先奉書于周稱唐皇帝願以兄事周周主不答
及是以兵屢敗懼亡乃遣翰林學士鍾謨文理院學
士李德明奉表稱臣請平于周謨德明素辯口周主
知其欲游說盛陳甲兵而見之曰爾主自謂唐室苗
裔宜知禮義異于他國與朕止隔一水未嘗遣一介
以修好惟泛海通契丹捨華事夷禮義安在且汝欲

說我令罷兵邪我非六國愚主豈汝口舌所能移邪
可歸語爾主亟來見朕再拜謝過則無事矣不然朕
欲往觀金陵城借府庫以勞軍汝君臣得無悔乎二
人戰栗不敢言

周取唐揚州

周主詔知揚州無備命韓令坤等將兵襲之令坤奄
至揚州以數騎馳入城城中不知覺唐副留守馮延
魯髡髮僧服而逃軍士執之令坤慰諭其民使皆安

堵

已而用取唐秦州尋
復取唐光舒新州

唐滅故吳主楊氏之族

唐主遣園苑使尹延範如秦州遷吳讓皇之族于澠
州延範以道路艱難恐其為變盡殺其男子六十人
還報唐主怒腰斬之

岳州團練使潘叔嗣殺王逵迎周行逢入朗州行逢討
叔嗣斬之

王逵受周詔攻唐過岳州潘叔嗣燕犒甚謹逵左右

索取無厭譖叔嗣于達達面罵之叔嗣慙恨謂其下
曰達戰勝而還吾無遺類矣乃以兵襲朗州達還戰
敗死或勸叔嗣遂據朗州叔嗣曰吾救死耳朗州非
吾利也乃歸岳州使將吏迎周行逢于潭州行逢至
或請以潭州與叔嗣行逢曰叔嗣殺主帥罪當死以
其迎我未忍殺爾若與潭州是吾使之殺王公也召
為行軍司馬叔嗣怒稱疾不至行逢曰是又欲殺我
矣乃陽以武安節鉞與之召使至府受命既至數其

矢大如椽自十
未聞弩雖千鈞
亦難以張較且
果如所云則鐵
之大當幾何中
辭非洞即折又
安能破骨出之
史家特欲顯張
瓊之勇壯而不
計其言之害理
傳會失實何以

罪而斬之行違乃自稱武平留後奉表于周

三月周主行視水寨

周主至淝橋

淝水上之橋

自取一石馬上持之至寨以供

礮從官過橋者舉一石趙匡胤乘皮船入壽春壕中

城上發連弩射之矢大如椽牙將張瓊

館陶人

以身蔽

之矢中瓊體死而復蘇鏃著骨不可出瓊飲酒一大

卮令人破骨出之流血數升神色自若

唐遣司空孫晟奉表于周

唐主以孫晟為司空遣與禮部尚書王崇質奉表于
周請奉正朔守土疆晟謂馮延巳曰此行當在左相
然晟若辭之則為負先帝矣既行知不免中夜歎息
謂崇質曰君家百口宜自為謀吾思之熟矣終不負
永陵李昇之後一杯土餘無所知也既至周主遣中使以
晟等詣壽春城下示劉仁贍且招諭之仁贍見晟戎
服拜于城上晟謂仁贍曰君受國厚恩不可開門納
寇周主聞之怒晟曰臣為唐宰相豈可殺節度使外

叛邪周主釋之

唐主使李德明孫晟言于周請去帝號刻六州歲輸金帛百萬以求罷兵

周主欲盡得江北之地不許德明請歸白唐主獻之晟因奏遣王崇質與德明俱歸賜唐主詔曰諸郡悉

來大軍立罷但存帝號何爽歲寒僕堅事大之心終不迫人于險言盡于此更不煩云苟曰未然請從茲

絕唐主復上表謝德明威稱周主威德及甲兵之強勸唐主割江北之地唐主不悅宋齊邱以割地為無

益德明言多過實樞密使陳覺副使李徽古素惡晟及德明因譖德明賣國求利唐主大怒斬之李徽

古壽

春人

唐主以其弟齊王景達為元帥將兵拒周師

唐主以景達為諸道兵馬元帥將兵拒周以陳覺為

行軍而殺之豈
雖得其人猶不

免于擊肘況以
覺之庸區惟知
擁兵坐視邇來
元以素淮北安
得不豫聞外之
計至明代專任
閹寺而冒功匪
敗其弊不可枚
舉自古履鐵相
弄恬不知怪亦
可悲矣

監軍使中書舍人韓熙載上書曰信莫信于親王重
莫重于元帥安用監軍為哉不從

夏四月唐兵攻六合趙匡胤擊破之

先是周主命匡胤將兵屯六合

唐將軍陸孟俊以兵趣泰州周兵遁去進

攻揚州韓令坤亦走周主急遣匡胤屯六合匡胤令
曰揚州兵有過六合者折其足令坤乃還揚州拒守
擊破唐兵擒
孟俊殺之至是唐齊王景達將兵濟江拒六合二十

餘里設柵不進諸將欲擊之匡胤曰吾眾不滿二千
若往擊之彼必見吾眾寡矣不如俟其來而擊之其

破必矣居數日唐出兵趣六合匡胤奮擊大破之殺

獲近五千人溺死甚衆于是唐之精卒盡矣

是戰也將士有

不致力者匡胤陽為督戰以創斫其皮笠明日適聞其笠笠有創跡者數十人皆斬之由是部兵莫敢不

死盡

周主如渦口

周主攻壽州久不克失亡頗多糧運不繼議欲旋師

乃先幸濠州會渦口作新浮梁成復自濠州如渦口

欲遂至揚州范質等以兵疲食少泣諫而止

周主嘗怒質儀

欲殺之范質入救之周主起避之質趨前伏地叩頭曰儀罪不至于死臣為宰相致陛下枉殺近臣罪皆在臣繼之以泣周主意解乃釋之

五月周主還大梁留李重進圍壽州

六月唐遣員外郎朱元

沈邱人本姓舒事李守貞易其姓使于唐守貞敗遂仕唐將

兵復江北諸州

元因奏事論用兵方畧唐主以為能故用之

秋七月周以周行逢為武平節度使

行逢留心民事悉除馬氏橫賦貪吏猾民為民害者

皆去之揮康平吏為刺史縣令境內以治

行達性勇
敢果于殺

戰夫入嚴氏疎之行達怒嚴氏因請視家田至則營
居以老歲時衣青裙押佃戶送租入城行達就見之
曰夫人何自苦若此嚴氏曰公思作戶長時乎民租
後時嘗苦鞭朴今責矣宜先期以率眾安得遂忘靡
歟乎行達疆邀之嚴氏卒無留意因曰公用法太嚴
而失人心所以不欲留者一旦禍起田野易為逃匿
耳行達為少損嚴氏通鑑作鄭氏今依五代史

唐朱元等取舒和蘄州周揚滁州守將皆棄城奔兵攻

壽州

初唐人以茶鹽彊民而徵其粟帛謂之博徵

博易也
謂以茶

鹽易微
其粟帛

又興營田于淮南民甚苦之及周師至爭奉

牛酒迎勞而將帥不知恤專事俘掠民皆失望相聚

山澤操農器為兵積紬為甲時人謂之白甲軍周兵

討之屢為所敗所得諸州多復為唐有淮南節度使

向訓奏請以廣陵之兵并力攻壽春詔許之訓封府

庫以授主者命牙將分部按行城中秋毫不犯州民

咸悅軍還或負糗糒以送之滁州守將亦棄城引兵

趣壽州

唐諸將請據險以邀周師宋齊邱曰如此則
怨益深不如縱之以德于敵則兵易解也乃

命諸將自守毋得擅出由是壽春之圍益急齊王景
連軍于濠州遂為郗懷軍攻皆由于陳覽擁兵五萬
無決戰意將吏
畏之無敢言者

八月周作欽天歷

王朴與司天少監王處訥

河南洛陽人

所撰也

冬十月周立二稅起徵限

周主謂侍臣曰近朝徵歛穀帛多不俟收穫紡績之
畢乃詔三司自今夏稅以六月秋稅以十月起徵民
間便之

周山南東道節度使安審琦入朝除太師遣還鎮

審琦鎮襄州十餘年至是入朝除守太師遣還鎮審琦感悅周主謂宰相曰近朝多不以誠信待諸侯雖有欲效忠節者其道無由王者但能毋失其信何患諸侯不歸心哉

周以趙匡胤為定國

即同州匡國軍改號

節度使兼殿前都指揮

使

匡胤表趙普為節度推官

十一月周殺唐使者司空孫晟

唐使者孫晟鍾謨從至大梁周主待之甚厚時召見
飲以醇酒問以唐事晟但言唐主畏陛下神武事陛

下無二心會得唐蠟書

張永德與李重進不相悅永德密表重進有二心周主不

之信已而重進詣永德營宴飲永德意解唐主聞之以蠟書誘重進皆誘叛反間之語重進奏之周

主召晟責之晟正色抗辭請死問以唐虛實默不對

命都承旨曹翰送晟于右軍巡院與之飲酒從容問

之晟終不言翰乃謂曰有敕賜相公死晟神色怡然

索靴袍整衣冠南向拜曰臣謹以死報國乃就刑并

從者百餘人皆殺之貶鍾謨為耀州司馬

既而周主憐其忠節

悔殺之召謨拜衛尉少卿

周召華山隱士陳搏

字圖南亳州真源人

詣闕尋遣還山

周主召陳搏問以飛升黃白之術對曰陛下為天子當以治天下為務安用此為乃遣還山詔州縣長吏常存問之

丁周顯德四年北漢天會元年是歲凡五國三鎮

春正月唐遣兵救壽州周師

擊破之

唐齊王景達遣邊鎬朱元等將兵數萬救壽州軍于

紫金山

在壽州東北

列十餘寨與城中烽火相應又築甬

道運糧綿亘數十里將及壽春周李重進邀擊大破

之死者五千人奪其二寨劉仁贍請以邊鎬守城自

帥眾決戰景達不許

仁贍憤悵成疾其幼子崇諫夜泛舟渡淮為小校所執仁贍命

腰斬之監軍使周廷構哭于中門以救之不許廷構復使求救于夫人薛氏薛氏曰妾于崇諫非不愛也

然軍法不可私名節不可虧若貸之則劉氏為不忠之門妾與公何面目見將士乎趣命殺之然後成喪

將士皆
感泣

二月周更造祭器祭玉

命國子博士鼎崇義

洛南洛陽人

討論制度為之圖

三月周主復如壽州大破唐兵唐元帥景達奔還

先是唐水軍銳敏周人無以敵之周主以為恨反自

壽春于大梁城西汴水側造戰艦數百艘命唐降卒

教北人水戰數月之後縱橫出沒殆勝唐兵至是車

駕發大梁命王環將之自閩河

即蔡河舊自祥符尉氏至陳州入潁宋史

河渠志蔡河魚閘水沿潁入淮唐人大驚三月周主以通舟楫是也今堙

渡淮抵壽春城下躬擐甲胄軍于紫金山南命趙匡胤擊唐寨破之斷其甬道由是唐兵首尾不能相救
朱元舉寨萬餘人降周其餘衆沿流東潰周主自將
騎數百與諸將夾岸追之唐兵戰溺死及降者殆四
萬人劉仁贍聞援兵敗扼吭歎息景達陳覺皆奔歸
金陵

唐壽州監軍周廷構以城降周唐節度使劉仁贍死之

周以壽州為忠正軍徙治下蔡

周主耀兵于壽州城下唐清淮節度使劉仁贍病甚不知人監軍使周廷構等作仁贍表昇仁贍出城以降于周仁贍卧不能起周主慰勞賜賚復令入城養疾徙壽州治下蔡又制白劉仁贍盡忠所事抗節無虧前代名臣幾人堪比其以為天平節度使兼中書令是日卒追賜爵彭城郡王唐主聞知亦贈太師周主復以清淮軍為忠正軍以旌仁贍之節

柴守禮犯法事
論者紛如聚訟
周世宗既承郭
氏之業則為人
後者為之子自
不得復顧所生
若如胡寅所云
尊守禮為太上
皇而為郭氏立
後是襲人之統
緒而陰據之休
非情理之正然
毛裘至性豈容
忽忘隆稱雖不
可輕加孝養獨
不常盡手誠

周主之父光祿卿致仕柴守禮犯法周主不問

守禮及當時將相王溥王晏

徐州滕縣人

韓令坤之父遊

處恃勢恣橫洛人畏之謂之十阿父周主既為太祖

嗣人無敢言守禮子者但以元舅處之優其俸給未

嘗至大梁嘗以小忿殺人有司不敢詰周主知而不

問

夏四月周主還大梁

周䟽汴水入五丈河

在開封府祥符縣北九域志河即禹貢之荷澤徙都北歷陳留及鄆

使迎奉京師安
居宮禁獨養辱

其廣五
丈故名

起居之節何致
守禮以難毗殺

自是齊魯舟楫皆達于大梁

人必待屈法以
全恩乎處之列

五月周作刑統

卿直是臣視其
父稱之元舅并

詔以律令文古難知勅格煩雜不一命侍御史張滉

且譚言其子名
不正而義不安

等訓釋刪定為刑統

其何以訓天下
周世宗周五等

唐敗周兵斷其浮梁

今辟此則不能
為賢者解也起

唐郭廷謂

字信臣
彭城人

將水軍斷渦口浮梁又襲敗武行

革拔桃應設問
曲為較論無異

德于定遠唐以廷謂為應援使

瘴人既夢歐陽
修且從而贊其
之豈足語于聖
賢之正哉

秋八月周平章事李穀罷以王朴為樞密使

穀卧病二年九表辭位罷守本官令每月肩輿一詣

便殿議政事

九月周以竇儼

字望之儀之弟

為中書舍人

儼上疏請令有司討論禮儀考正鍾律作通禮正樂

又論政刑及勸農經武之要

以為為政之本莫大擇人擇人之重莫先宰相自有

唐之末輕用名器始為輔弼即兼三公僕射之官故其未得之也則以趨競為心既得之也則以容默為事乞令宰相各舉所知且令本官權知政事期歲之間察其職業若果能堪稱其官已高則除平章事未

高則稍更遷官權知如故若有不稱則罷其政事責其舉者又班行之中有員無職者大半乞量其才器授以外任考其治狀能者進之否者黜之又請令盜賊自相糾告以其所告贖產之半賞之或親戚為之首則論其徒侶而赦其所首者如此則盜不能聚矣又新鄭鄉村團為義營各立將佐一戶為盜累其一村一戶被盜罪其一將每有盜發則鳴鼓舉火丁壯雲集盜少民多無能脫者由是一境獨清請令他縣皆效之亦止盜之一術也又累朝屢詔聽民廣耕止輸舊稅及其既種則有司履畝而增之故民皆疑懼而田不加闢夫為政之先莫如敦信信苟著矣則田無不廣田廣則穀多穀多則藏之民猶藏之官也又言陛下南征江淮咸靈所加前無疆敵今以眾擊寡以治代亂勢無不克但行之貴速則被民免俘馘之災此民息轉輸之困矣

周主善之

冬十月周設賢良經學吏理等科

十一月周主自將伐唐攻濠泗州

遼北漢會兵攻周潞州不克而還

十二月唐泗州降周

唐泗州守將范再遇舉城降周周主自至城下禁軍
中芻蕘者毋得犯民田民皆感悅爭獻芻粟無一卒
敢擅入城者

唐濠州降周周主進兵攻楚州遣兵取揚泰州

唐濠州團練使郭廷謂舉城降周

先是廷謂上表周主言臣家在江南

今若遽降恐為唐所種族請先遣使稟命然後出降許之至是廷謂使者自金陵還知唐不能殺命參軍李延鄒章降表延鄒責以忠義廷謂以兵臨之延鄒擲筆曰大丈夫終不負國為叛臣作降表廷謂斬之

而降

李延鄒鄒陽人

時周主進攻楚州廷謂謁見周主使將

濠州兵攻天長遣指揮使武守琦將兵數百趣揚州

至高郵唐人悉焚揚州官府民居驅其人南渡江後

數日周兵乃至周主聞泰州亦無備遣兵襲取之而已

周克唐
海州

南漢遣使入貢于周不至

南漢主聞唐屢敗憂形于色遣使入貢于周為湖南
所閉乃治戰船修武備既而縱酒酣飲曰吾身得免
幸矣何暇慮後世哉

戊周顯德五年唐中興元年南漢主
午銀大寶元年是歲凡五國三鎮

春正月周鑿鵲水

即老鵲河舊在淮
安府城西北今堙引戰艦入江

周主欲引戰艦自淮入江阻北神堰

今曰北神鎮在
淮安府城北

不得渡欲鑿楚州西北鵲水以通其道遣使行視還

言地形不便計功甚多乃自往視之授以規畫旬日而成用功甚省巨艦數百艘皆達于江唐人大驚以爲神

周師拔唐靜海軍

南唐置宋改通州今州隸江南

周拔靜海軍始通吳越之路先是周主遣使如吳越語之曰卿去雖汎海還當陸歸已而果然

周主克唐楚州唐防禦使張彥卿

史不詳里系

死之

周攻楚州踰四旬唐防禦使張彥卿固守不下周主

自督諸將攻克之彥卿與都監鄭昭業猶帥衆巷戰
矢刃皆盡彥卿舉繩床以鬪而死所部千餘人至死
無一人降者

二月北漢攻周隰州不克

隰州刺史暴卒建雄節度使楊廷璋

字溫玉
正定人

謂都監

李謙溥

字德明并
州孟人

曰今大駕南征澤州

胡三省曰
當作隰州無

守將河東必生心若奏請待報則孤城危矣即牒謙
溥權隰州事謙溥至則修守備未幾北漢兵果至攻

城久不下延璋度其疲困無備潛與譙溥募死士夜襲其營北漢兵驚潰解去

三月唐以太弟景遂為晉王燕王冀為太子

景遂前後十表辭位且言冀嫡長有軍功宜為嗣唐主乃立景遂為晉王以冀為太子參決庶政

周主臨江遣水軍擊唐兵破之唐主遣使盡獻江北地周主罷兵引還

周主至揚州如迎鑾鎮遣水軍擊破唐兵唐主聞周

主在江上恐遂南渡又恥降號稱藩乃遣陳覺奉表
請傳位于太子冀使聽命于中國時淮南惟廬舒蘄
黃未下覺見周兵之盛白周主請遣人渡江取表獻
四州之地畫江為境以求息兵辭指甚哀周主曰朕
本興師止取江北今爾主能舉國內附朕復何求賜
唐主書稱皇帝恭問江南國主慰納之唐主奉表稱
唐國主請獻江北四州地輸貢物數十萬于是江北
悉平得州十四縣六十周主賜唐主書諭以今當罷

兵不必傳位

周汴渠成

浚汴口導河流達于淮于是江淮舟楫始通

夏五月辛巳朔日食

唐主更名景去帝號奉周正朔

唐主避周諱更名景下令去帝號稱國主凡天子儀

制皆有降損去年號用周正朔平章事馮延巳嚴續

樞密使陳覺皆罷

初延巳以取中原之策說唐主由是有寵嘗笑烈祖昇曰田舍翁安

能成大事與其黨談論更相倡和翰林學士常夢錫屢言廷已等浮誕不可信唐主不聽夢錫曰我言似忠陛下不悟國必亡矣及是廷已之黨相與言有謂周為大朝者夢錫大笑曰諸君嘗欲致君堯舜何意今日自為小朝耶眾嘿然

秋八月唐太子冀殺其叔父晉王景遂

唐太子冀在東宮多不法唐主怒嘗以毬仗擊之曰吾當復召景遂冀密遣洪州都押牙袁從範毒殺景遂唐王不之知

南漢主晟殂子鋹立

本名鱣與即位更名

銀年十六國事皆決于龔澄樞

官者知承宣院盧瓊仙女侍中

等臺省備位而已

周遣閩門使曹彬

字國華正定靈壽人如吳越

周遣曹彬以兵器賜吳越事畢亟返不受饋遺吳越

人以輕舟追與之至于數四彬曰吾終不受是竊名

也盡籍其數歸而獻之周主曰卿之奉使者乞句無

厭使四方輕朝命卿能如是甚善然彼以遺卿卿自

取之彬始拜受悉以散于親識家無留者

彬奉使吳越不受饋遺可謂明於辭讓之節厥後統兵入蜀獨能整飭部衆不犯秋毫宋初名將無出其右由其律已甚嚴故令無不從月

冬十月周遣使均定境內田稅

周主留心農事常刻木為農夫蠶婦置之殿庭至是

詔散騎常侍艾穎

艾以地為氏穎須城人

等三十四人分行諸

州均定田租又詔諸州并鄉村率以百戶為團團置

耆長三人又詔諸邑課戶

唐制令上戶出課給官員月料謂之課戶

及俸

戶

斂歲之稅使高戶主之收其息給俸謂之俸戶

並勒歸州縣其幕職州縣

官自今並支俸錢及米麥

十一月周命竇儼撰通禮正樂

二書名

唐故其太傅宋齊邱于九華山

卷七十

齊邱多樹朋黨陳覺李徵古共相附和唐主惡之

司天

奏天文有變人主宜避位禳災唐主乃曰吾欲釋去萬幾誰可以託國徵古請授齊邱覺亦曰陛下深居禁中國事皆委宋公先行後聞臣等時入侍談釋老不亦可乎唐主心愜即命中書舍人陳喬草詔喬惶恐請見極言其不可唐主笑曰爾亦知其非邪乃止遂出徵古洪州罷覺近職

陳喬字子喬廬陵玉笥

人會周遣鍾謨馮延魯還唐謨以李德明之死怨齊

邱欲報之知陳覺前自周還矯周主命言江南連歲拒命皆宰相嚴續之謀當斬之唐主未之信謨因請

復之于周唐主乃因謨復命上書言久拒王師皆臣
愚迷非續之罪周主大驚曰審如此則續乃忠臣朕
為天下主豈教人殺忠臣乎謨還以白唐主唐主乃
詔暴齊邱等罪放齊邱歸九華山覺宣州安置尋殺
之徵古賜自盡齊邱未幾自經死



御批歷代通鑑輯覽卷七十